

Augos 17, 2018
Tapvainnak Kaujisautitsaulauttuk

Nunatsiavut kavamanga salutitsilauttuk Natan Obed-imik annigijaugiallalaummat AngajukKâgugiamut ITK-kunut

Nunatsiavutta AngajukKânga Johannes Lampe aliasotiKalauttuk suliaKaKatigiallâlammauk
annigijautainnagiallalaummat Inuit Tapiriit kanatami AngajukKânga Natan Obed.

“Pingasuni jâriulauttuni Natan pigunnausiKatsialauttuk angajukKângugiamut, tamâginni
kanatalimâmi, silatsuamillu, ikKanallagiutaujunik ilonnainut Inunnut Inuit Nunanginni,” uKalauttuk
AngajukKâk Lampe. “Pigunnasianninga nalunangilak takutsausainnalaummat ilonnainik
kamanimmini pigialimminik. Inositsiaginninga pikKagasuannimini, piusitsiaginningalu,
sulijutsagijaujuk ITK-kut katimajiginnut. Ilonnainit Nunatsiavut kavamanganit, allât
ikajuttaugutilennilu Labrador Inuit Nunamik Satusainnimut AngiKatigengani, salutivaga Natan
annigijaugiallaningani.”

Obedi annigijaugiallalautek angajukKaugiallagiamut katimagiattusimajunut sitamanit Inuit
nunanginnit, Inuillu Nunatsuami katimajingit kanatami ITK-kut jâritamât katimausingitut Inuvimmi
vogiulauttumi.

Inolisimajuk Nainimi, Obed nosimalauttuk Nunatsiavuttinit 1990-migalak ilinniavitsualiagami
nalunaikkutatsatâgumatluni Kallunâtut Amiarikamiutullu Ilisagiatluni Bostoniup Tufts
Ilinniavitsuangani, hakinguatiusimajuvinik taitsumani pilluasiangusimatluni New England-iup
ilinniavitsuangani. Pinguatiusimammujuk hâkittinut taijanut “Helena Ice Pirates”.

Siagugiak suliaKasimajuk Labrador Inuit katitjuKatigeginnut ikajusimatlunilu âkKitauningani Inuit
SukkutauniKagajappata Ikajutsiutitsanut AngiKatigegutinganik ujuganniatinik Voisey’s Bay Nickel
kampanianut (mânnalittuk taijat Vale). Taimangat, kiggatuttiulauttuk maggonik jârennikasâk ITK-
kut ikKanaijalautsimatluni inosiliginnimut tukimuatittijiutlunga nukKâgani Iqalummuk
suliaKattiulautsimatlunilu Nunavut Tunngavikunganut annigijaukKâgani ITK-kuni
angajukKaugiamut sivullipâmi 2015-ami.

Obed suliaKammujuk katimajiuKatautluni inungnut kenajanik atuinnaKapviuginiginnut, kamajiutluni
Labrador Inuit nangminiKattunut pigumausiginnik ukunani “Nunatsiavut Group of Companies”.

ITK-kut kanatalimâmi [Inuit](#) ikajuttauvinga, ikajuttiutluni sitamanik Inuit nunanginnit – Nunatsiavut,
Nunavik (Taggamiut), Nunavut, Inuvialumiunillu.

Kaujisautinut Kaujisapviusok/Media Contact:

Bert Pomeroy
Director of Communications
709-896-8582